

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### মাতৃত্বজনিত মৃত্যুহারহাসে যুক্তরাষ্ট্র ও বাংলাদেশ সরকারের নতুন প্রকল্প

কর্মবাজার, ২রা নভেম্বর -- স্বাস্থ্য ও পরিবার কল্যাণ সচিব শেখ আলতাফ আলী, পরিবার পরিকল্পনা অধিদফতরের মহাপরিচালক আব্দুল কাইউম এবং ইউএসএআইডি'র মিশন উপ-পরিচালক ক্যারি এন. গর্ডন আজ একটি নতুন পরীক্ষামূলক স্বাস্থ্য প্রকল্প উদ্বোধন করবেন। প্রকল্পটি মাতৃত্বজনিত মৃত্যুহারহাস করবে। এই প্রকল্পের আওতায় সরকারি ও বেসরকারি সংস্থার মাঠ পর্যায়ের কর্মীরা “মিসোপ্রস্টল” নামক ঔষধ বিতরণ এবং এর চিকিৎসা পরিচালনা করবে। এই ঔষধ সত্ত্বান প্রসবের পর প্রসূতির রক্তক্ষরণ নিয়ন্ত্রণ করে। বাড়িতে সত্ত্বান প্রসবের ক্ষেত্রে অথবা যেখানে কোনো প্রশিক্ষণপ্রাপ্ত ধাত্রী নেই সেখানে এই ঔষধের ব্যবহার বিশেষভাবে গুরুত্বপূর্ণ। এই নতুন চিকিৎসা সেবা প্রদান ও পর্যবেক্ষণ করার মধ্য দিয়ে সবচেয়ে কার্যকরী উপায়গুলো চিহ্নিত করার লক্ষ্যে এই পরীক্ষামূলক প্রকল্পটি কর্মবাজারের পাঁচটি উপজেলায় বাস্তবায়ন করা হবে। এই প্রকল্প গর্ভধারণ সম্পর্কিত জটিলতা বিষয়ে স্বাস্থ্য সেবাদানকারী ও কমিউনিটি সদস্যদের মধ্যে সচেতনতা বৃদ্ধি করবে এবং এই জীবনহানিকর অবস্থা চিহ্নিত ও তার চিকিৎসা প্রদানের সুযোগ করে দিবে। যুক্তরাষ্ট্র সরকারের এক কোটি ২০ লাখ ডলার অর্থায়নে “মায়ের হাসি” কর্মসূচির অংশ হিসেবে এই প্রকল্পটি বাস্তবায়িত হবে। এই পরীক্ষামূলক প্রকল্পলক্ষ শ্রেষ্ঠ অভিভ্রতাগুলো তারপর দেশব্যাপী ছড়িয়ে দেয়া হবে।

বাংলাদেশে মোট সত্ত্বান জন্মানের শতকরা ৮৫ ভাগই বাড়িতে হয়ে থাকে এবং মহিলারা প্রসবোত্তর রক্তক্ষরণের ফলে মারাত্মক জটিলতা বা মৃত্যু-বুঁকির মুখে পড়ে। জরুরী স্বাস্থ্য সেবা পাওয়ার সুযোগ সীমিত হওয়াতেই মূলত এই অবস্থার সৃষ্টি হয়। অনেক দেশ থেকে প্রাপ্ত গবেষণায় দেখা গেছে বাড়িতে সত্ত্বান জন্মগ্রহণের সময় প্রচণ্ড রক্তক্ষরণ রোধ ও চিকিৎসার জন্য মিসোপ্রস্টল বড়ি নিরাপদে ব্যবহার করা যায়। মিসোপ্রস্টল সাশ্রয়ী, এগুলো কোনো বিশেষ উপায়ে সংরক্ষণের প্রয়োজন নেই এবং খুব সহজেই এগুলো কম্যুনিটি পর্যায়ে বিতরণ করা যেতে পারে। মিসোপ্রস্টল একটি গুরুত্বপূর্ণ জীবন রক্ষাকারী ঔষধ -- বিশেষ করে যেখানে সত্ত্বান প্রসবোত্তর রক্তক্ষরণ রোধ বা চিকিৎসার অন্য কোনো প্রতিকার সহজলভ্য নয়।

‘ইউএসএআইডি’র মাধ্যমে যুক্তরাষ্ট্র সরকার বাংলাদেশের মানুষ বিশেষত হত-দরিদ্রদের জীবনমান উন্নয়নে কাজ করে যাচ্ছে। ‘ইউএসএআইডি’ বাংলাদেশে পাঁচটি বৃহত্তর পরিসরে কর্মসূচি পরিচালনা করে থাকে। এগুলো হচ্ছে -- স্বাস্থ্য ও প্রাক-প্রাথমিক শিক্ষার উন্নয়ন, গ্রামীণ দরিদ্র জনগোষ্ঠীর জন্য আয়ের সুযোগ সৃষ্টি, সুশাসনে সহায়তা, খাদ্য নিরাপত্তা বৃদ্ধি এবং দুর্যোগ মোকাবেলা প্রস্তুতি জোরদার করা ও প্রাকৃতিক দুর্যোগ পরবর্তী জরুরি সহায়তা প্রদান। যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত শেষ’ কোটি ডলারেরও বেশি প্রদান করেছে। ২০০৯ সালে যুক্তরাষ্ট্রের সহায়তার মোট পরিমাণ দাঁড়াবে প্রায় ১৮ কোটি ডলার।

=====

জিআর/ ২০০৯

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।